

समे – 12:25

<><><><><><>

PM Sonamarg Tunnel Inauguration

जम्मू-कश्मीर लेई इक महत्वपूर्ण पैहलकदमी दे तैहत् प्रधानमंत्री नरेन्द्र मोदी होर औंदी 13 जनवरी गी बड़े मते सामरिक महत्त्वै आहली 6 किलोमीटर 400 मीटर लम्मी सोनामर्ग सुरंग दा उद्घाटन करडन। प्रधानमंत्री हुंदे दौरे शा पैहले समूलचे खित्ते, खासकरियै श्रीनगर ते मध्य कश्मीर च सुरक्षा सरबन्धी हीले निगगर करी दित्ते गे न। 2 ज्हार 700 करोड़ रुपें दी इस परियोजना कन्नै श्रीनगर ते सोनामर्ग बश्कार पूरे बरे हर रूतै च सिड़क संपर्क दी सुविधा उपलब्ध होग ते कन्नै मुकामी कारोबार ते सैलसफा गी बी बढावा थ्होग। इस परियोजना कन्नै श्रीनगर ते लेह बश्कार सफर दा समें बी घटोग ते एह इलाकाई ढांचागत विकास ते संपर्क दे लेहाज कन्नै खित्ते च इक ऐतिहासिक गैह साबत होग।

<><><><><><>

PM Ayodhya

प्रधानमंत्री नरेन्द्र मोदी होरें अयोध्या च श्री राम लला दी प्राण प्रतिष्ठा दा इक बरा पूरा होने दे मौके उपपर अज्ज सब्बनें देशवासियें गी मुबारकबाद दित्ती ऐ। सोशल मीडिया पर कीती गेदी इक पोस्ट च मोदी होरें आखेआ ऐ जे केई सदिएं दे बलिदान, सबर ते संघर्ष दे बाद इस मंदरै दा निर्माण होआ हा। उनें इस मंदरै गी स्थाड़ी संस्कृति ते आध्यात्मिकता दी इक म्हान विरासत करार दित्ता। प्रधानमंत्री होरें विश्वास जताया ऐ जे एह भव्य राम मंदर, भारत गी विकसित राष्ट्र बनाने दे धेइये गी पूरा करने दी इक बड़्डी प्रेरणा बनोग।

<><><><><><>

IMD Jammu MoS

केन्द्री मंत्री डाक्टर जितेन्द्र सिंह होरें जम्मू च मौसम सरबन्धी इलाकाई केन्द्र स्थापित करने दी घोषणा कीती ऐ। एहदे कन्नै खित्ते च मौसम सरबन्धी सेवाएं गी होर बेहतर बनाने च मदाद

मिलोग। मौसम विभाग दे 150 ब'रे पूरे होने दे सरबंघै च आयोजित कार्यशाला गी संबोधत करदे होई मंत्री होरें गलाया जे इस नमें केन्द्र कन्नै खित्तै दी टकोह्दी चुनौतिएं कन्नै निब्बड़ने च मदाद होग ते मौसम सरबंघी सेई ते स्टीक जानकारीयां उपलब्ध होङन। प्रधानमंत्री नरेन्द्र मोदी होर 14 जनवरी गी इस सरबंघै च कार्यक्रम दी सदारत करगंन। केन्द्री मंत्री होरें आलमी सतह उप्पर इक अगुआ दे तौर उप्पर उभरियै सामने औने लेई भारतीय मौसम विभाग दी सराहना कीती। उनें आखेआ जे जम्मू-कश्मीर च एक्स बैंड रडारें ते भलेआं अज्जै-कल्लै दिएं तकनीकें कन्नै लैस ते आपूं कम्म करने आले मौसम सरबंघी केन्द्र, मते महत्वै आले कार्यक्रमें दरान सटीक जानकारी हासल करोआंदे न। एह जतन सरकार दे मिशन मौसम कन्नै जुड़े दा ऐ जेह्दा मकसद भारत गी हर मौसम लेई तैआर ते क्लाइमेट स्मार्ट बनाना ऐ तां जे विकास बाढ़े दी बत्तै पर अगड़े बधने दा कोई बी माड़ा प्रभाऽ पर्यावरण ते आवो-हवा पर नेई पवै।

<><><><><><>

LG Sinha

लेफ्टिनेंट गवर्नर मनोज सिन्हा होरें साबका प्रधानमंत्री सुरगवासी लाल बहादुर शास्त्री होरें'गी उंदी पुन्नतिथि पर श्रद्धांजलि अर्पित कीती ऐ। सोशल मीडिया पर कीती गेदी इक पोस्ट च एलजी होरें लाल बहादुर शास्त्री होरें'गी मान-सम्मान, सादगी ते अखंडता दी मूरत करार दित्ता। उनें आखेआ ऐ जे शास्त्री होरें राष्ट्र दी तरक्की ते कल्याण लेई केई अहम सुधार कीते ते उंदे विचार, भारत गी खुशहाल ते आत्मनिर्भर बनाने लेई सदा स्थाड़ा सब्बनें दा मार्गदर्शन करदे रौहङन।

<><><><><><>श

J&K MLAs

जम्मू-कश्मीर विधानसभा दे नमें चुने गेदे विधायकें लेई रम्मे गेदे सिखलाई कार्यक्रम दा अज्ज त्रीया ते अखीरला ध्याड़ा ऐ ते इस दरान इ'नें विधायकें गी संसदी कम्मकाज मतल्लक केई महत्वपूर्ण जानकारीयां दित्तिआं जा करदिआं न। अज्ज लोआए जा करदे सत्र च इ'नें विधायकें गी संसदी विशेष अधिकारें, रिति-रिवाजें, परंपराएं ते संसदी शिष्टाचार मतल्लक महत्वपूर्ण जानकारीयां दित्ता जाना शामिल ऐ। एह्दे अलावा नेशनल ई-विधान ऐपलीकेशन बारै बी इक समर्पित सत्र लोआये जाने दी तजवीज ऐ। लोकसभा दे संसदी शोध ते सिखलाई

संस्थान – प्राईड दे सैह्योग कन्नै आयोजित कीते जा करदे त्र'ऊं दिनें दे इस सिखलाई कार्यक्रम दा मकसद नमें चुने गेदे विधायकें अंदर संसदी प्रक्रियाएं बारै खरी समझ विकसित करना ऐ।

<><><><><><><>

Special Guests R'Day

जम्मू खित्ते थमां 7 प्रतिष्ठित व्यक्तिएं गी नमीं दिल्ली च कर्तव्य पथ पर आयोजित होने आहली गणतंत्र दिवस दी परेड दिक्खने लेई खास परौहनें दे तौर पर साददा दित्ता गेआ ऐ। इ'नें लोकें गी पानी दी सांभ-संभाल, दस्तकारिएं, महिला सशक्तिकरण ते शिक्षा दे खेत्तरें च शानदार जोगदान लेई इस परेड गितै खास परौहनें दे तौर पर चुनेआ गेआ ऐ। इंदे च उधमपुर थमां निशा शर्मा, कठुआ थमां धर्मपाल, किश्तवाड़ थमां नीलम परिहार, जम्मू थमां युक्ति कुमारी, सुरिश्टा कुमारी ते सुनिंदरजीत कौर हुंदे अलावा वीर गाथा 4.0 दिआं जेतू, प्रेजेंटेशन कान्वेंट स्कूल जम्मू थमां महक बी इंदे च शामिल न।

<><><><><><><>

JPDCL Power Cables

जम्मू च बिजली दी बंडड सरबंधी कारपोरेशन – जेपीडीसीएल आसेआ जम्मू स्मार्ट सिटी पैहलकदमी दे तैहत् जिमीं हेठ बिजली दिआं तारां बछाने दे कम्मै गी तोढ़ चाढ़ेआ जा करदा ऐ। एहदे राहें जित्थे इक बक्खी तारां त्रुट्टने करी बिजली बंद होने दी समस्या कोला राहत् मिलोग उत्थे गै दुई बक्खी बाहर खम्भें परा तारां हटी जाने कन्नै शैहरा दे छलैपे च बी बिंद बाददा होग। जेपीडीसीएल दे मैनेजिंग डरैक्टर यासिन एम. चौधरी होरें आखेआ ऐ जे इस परियोजना दा मकसद, बसनीकें दी सुरक्षा ते सेवाएं दे मय्यार, दौनें च गै बाददा करना ऐ।

<><><><><><><>